

Shet shugylasy



Gazet - halyqtyń kózi, qulaǵy hám tili



Shet aýdandyq qoǵamdyq-saıası gazeti | Gazet 1937 jyldan bastap shyǵady | beisenbi, 26 mamyr 2022 №21 (11 011)

Референдум - халықтың үні

КАЛЫПТЫ ДАМУ КЕПІЛІ - РЕФЕРЕНДУМҒА ҚАТЫСЫП, ДАУЫС БЕРУ!

Еліміздің Президенті Қасым-Жомарт Тоқаевтың қаңтар оқиғасынан кейінгі тактикалық, стратегиялық бүгінгі іс-қимылдарынан халқы терең тағылым алып отырғандығы көңілге қуаныш ұялатады.

Осы орайда айта кетейін, Мемлекет басшысы Қасым-Жомарт Тоқаевтың ағымдағы жылдың наурыз айындағы «Жаңа Қазақстан: жаңару мен жаңғыру жолы» атты халыққа арнаған Жолдауы шын мәніндегі Жаңа Қазақстанның жарқын болашағының алғы шарттары белгіленген, бүкіл қоғамның жаңаруының бастауы іспетті әсер етті.

Мемлекет басшысының кәсіби дипломат ретінде осынау әлемді дағдарыс жайлаған қиын кезеңде еліміздің болашағы үшін батыл қадам жасап, саяси өзгерістерге бел шеше кірісіп отырғанын баршамыз көріп, біліп отырмыз.

Мемлекеттік деңгейде шешілетін әрбір шара асқан ыждахаттылықты, яғни, жеті ойланyp, жеті толғап барып, оның өзінде ақырын басуды меңзейтін шаралар ғой. Халқымыздың болашағын айқындап беретін конституциямызға өзгерістер енгізуді халық түсіністікпен қабылдады.

Шүкір. Бүгінгідей күніне жүз өзгеріп, құбылып тұрған алмағайып заманда әлемдік

саясатта беделі бар мемлекет басшысының саясатын қолдап, маңайында ұйысу керектігін халық түсініп, қолдап отыр.

Президент Қ.Тоқаев айтқандай, Конституциямыздың 33 бабына түзетулер енгізіледі. Бұл дегеніміз - тарихи сәт. Әсіресе, ең негізгі мәселелер жер, оның қойнауы, оның қазыналары халықтың меншігі деген тұжырым жасалып отыр. Басқа да үлкен-үлкен мәселелер бар. Бастысы «супер-президенттік» басқару үлгісінен мықты парламентке сүйенетін президенттік басқару үлгісі енгізілгелі отыр. Президент өз қолынан өкілеттіктерінің біраз бөлігін парламентке беріп, парламенттің өкілеттігін кеңейткелі отыр. Басқа да көптеген өзгеріс бар

Олай болса, 5 маусым күні өтетін референдумда біз Конституцияға өзгерістер енгізу арқылы Жаңа Қазақстанды қалыптастырамыз. Сондықтан да барша аудан тұрғындарын еліміздің болашағына үлкен өзгеріс әкелетін референдумға біркісідей қатысып, дауыс беруге шақырамын.

Балтабай ИГЕНҰЛЫ,
ақсақалдар алқасының төрағасы.
Тағылы ауылдық округі.

ӘРКІМ ӨЗІНІҢ ЖЕКЕ АЗАМАТТЫҚ БОРЫШЫН ОРЫНДАУҒА ТИІС

5 маусымда елімізде жалпыхалықтық референдум өтеді. Бұл шара ел өмірінде маңызды оқиға болғалы тұр. Конституцияның үштен бір бөлігі өзгеруі мүмкін. Осы уақытқа дейін Ата Заңның төрт рет өзгергенін білеміз. Бірақ сол өзгерістердің бәрі Парламент шешімі бойынша қабылданған болатын. Енді бұл халықтың еркіне беріліп отыр. Мұны билік пен бұқараның арасы тағы бір табан жақындай түсті деп айтуға болады.

Референдум өткізуге екі аптадай уақыт қалды. Ел тарихындағы елеулі оқиғаға бейжай қарамай белсенді қатысу - әрбір азаматтың басты борышы. Себебі бұл - бүгінгі Қазақстанның ғана емес, келешек ұрпақтың тағдырына тікелей әсер ететін маңызды сәт.

Президент Қасым-Жомарт Тоқаев өз сөзінде 5 маусымда жалпыхалықтық референдум өткізілетінін, Конституциямыздың 33 бабына түзетулер енгізілетінін айта келе, менің мақсатым - халқыма мейлінше еркіндік беру, демократия мен заң үстемдігін күшейту. Президент ретінде ешқандай артықшылықтар мен жеңілдіктерге құмар емеспін. Мұндайды қаламаймын, - деп

айтқан болатын.

Өзгерістердің ең негізгілері бірі «суперпрезиденттік» басқару үлгісінен алшақтауды айтуға болады. Ата Заңға сәйкес ол барлық азамат үшін тең мүмкіндіктердің кепілі болуға тиіс. Сондықтан да конституциялық реформаға сәйкес енді Ел Президентінің жақын туыстарының мемлекеттік саяси қызметшілер, квазимемлекеттік сектор субъектілерінің басшылары лауазымдарын атқаруға құқығы болмайды.

Президент осы референдум арқылы туған халқына барынша мол бостандық беруді мақсат етіп отырғандығын айтқым келеді.

Сондықтан да референдумға қатысып, әркім өз ой-пікірлерін ашық білдіріп, қоғамға үн қосуымыз арқылы еліміздің жарқын болашағына, жаңа өміріне қадам жасайтын маңызды күн екенін естен шығармай дауыс беруге шақырамын. Бәріміз бір кісідей жұмылсақ қана өзіміз қалағандай Жаңа Қазақстанды құра аламыз.

Ә.СМАҒҰЛҰЛЫ,
қоғам белсендісі,
зейнеткер.
Ақсу-Аюлы ауылы.

5 МАУСЫМ
ИЮНЯ
JUNE 2022
РЕСПУБЛИКАЛЫҚ РЕФЕРЕНДУМ

ЕСЕПТЕН ШЫҒАРУ КҮӘЛІКТЕРІ БОЙЫНША ДАУЫС БЕРУ ТУРАЛЫ

Азамат өзінің болу орнын ауыстырған кезде 2022 жылғы 20 мамырдан бастап 4 маусым жергілікті уақыт бойынша сағат 18-ге дейінгі кезеңде азамат өз референдум учаскесінде дауыс беру құқығын беретін есептен шығару куәлігін алуға құқылы.

Бұл ретте референдумға қатысу құқығы бар азаматтардың тізіміне тиісті белгі қойылады.

Есептен шығару куәлігі бір елді мекен шегіндегі басқа учаскеде дауыс беруге қатысқысы келетін азаматтарға берілмейді.



Қазақстан Республикасының Орталық референдум комиссиясы

5 МАУСЫМ
2022

✓ ӘРКІМНІҢ
ДАУЫСЫ
МАҢЫЗДЫ!

ҚАЗАҚСТАН РЕСПУБЛИКАСЫНЫҢ
КОНСТИТУЦИЯСЫНА ӨЗГЕРІСТЕР МЕН
ТОЛЫҚТЫРУЛАР ЕНГІЗУ МӘСЕЛЕСІ
БОЙЫНША

РЕСПУБЛИКАЛЫҚ
РЕФЕРЕНДУМ

www.election.gov.kz

ҚҰРМЕТТІ ОҚЫРМАН!

2022 ЖЫЛДЫҢ ЕКІНШІ ЖАРТЫЖЫЛДЫҒЫНА
“ШЕТ ШҰҒЫЛАСЫ” ЖӘНЕ “ШЕТ ӨНІРІ”
ГАЗЕТТЕРІНЕ ЖАЗЫЛУ ЖАЛҒАСУДА



АУДАНЫҚ “ШЕТ ШҰҒЫЛАСЫ” ГАЗЕТІНЕ 6 АЙҒА 1940 ТЕНҒЕ, БІР ЖЫЛҒА 3880.00 ИНДЕКСІ 65049

“ШЕТ ӨНІРІ” ГАЗЕТІНЕ 6 АЙҒА 1957.60 ТЕНҒЕ, БІР ЖЫЛҒА 3915.20 ТЕНҒЕ ИНДЕКСІ 65060

АУДАНЫҚ АПТАЛЫҚ БАСЫЛЫМДАРҒА “ҚАЗПОЧТА” АҚ ЖЕРГІЛІКТІ ЖЕРЛЕРДЕГІ БАЙЛАНЫС
БӨЛІМШЕЛЕРІНЕ БАРЫП ЖАЗЫЛУҒА БОЛАДЫ.



Құрметті
ата-аналар!
Қымбатты
бүлдіршіндер!

Жайдары жаздың алғашқы шуақты күні 1 маусым - Балаларды қорғау күні мерекесін ұйымшылдықпен атап өту ауданымызда дәстүрге айналған. Өйткені, балалар - болашағымыз, әрбір халықтың, күллі адамзаттың болашағы. Олардың өсіп-өнуі үшін біздің балаларымызда мамыражай тіршілікке қажеттінің бәрі бар және елімізде бұл бағытта көптеген іс-шаралар атқарылуда.

Биылғы мереке Балалар жылы аясында өтпек. Президент Қасым-Жомарт Тоқаев биылғы жылды Балалар жылы деп жариялаған болатын. Бұл өз кезегінде балалар құқықтарының жан-жақты қорғалуымен қатар, олардың еш қиындық көрмей, алаңсыз ержетулерін одан әрі жетілдіре түсуде.

Ауданымызда жас ұрпақтың тәрбиесіне көп көңіл бөлініп, мектеп қабырғасында білім алушы бүлдіршіндер қазіргі заманғы сапалы құралдарды пайдаланып, мектеп жанындағы дайындық топтары мен балабақшалар да қажетті жабдықтармен толық жабдықталды. Сонымен қатар, әлеуметтік мәселелерді шешу мен бала денсаулығын сақтау жолға қойылған. Оқушылардың жазғы демалуын ұйымдастыру ойдағыдай жүзеге асырылып келеді.

Біздің міндетіміз - балаларымыз адал, әрі әділ, денсаулығы мықты, қайсар да өдемі, халқымыздың салт-дәстүрін құрметтейтін ұрпақ өсіруге қажеттің бәрін жасау. Олар мемлекет тарапынан өздерінің құқын қорғап, мүддесін орындайтынына сенімді болуы керек.

Осы мереке балаларға сүйіспеншілік әкеп, біздің жүрегіміздің жылылығын жеткізсін. Қамқорлық аясындағы періштедей пәк сүйкімді бүлдіршіндерге жақсы көңіл күй, әрқашан бал-бұл жанған жүздерінен бақыт күлкісі үзілмесін деп тілейміз!

Мереке құтты болсын!

М.МҰХТАРОВ,
аудан әкімі.

Б.ТӨЛЕУКҰЛОВ,
мәслихат хатшысы.



Әскерге шақыру

ЗАПАСТАҒЫ ОФИЦЕРЛЕРДІ ӘСКЕРИ ҚЫЗМЕТКЕ ШАҚЫРУ ТУРАЛЫ

“Әскери қызмет және әскери қызметшілердің мәртебесі туралы” 2012 жылғы 16 ақпандағы Қазақстан Республикасы Заңының 32-бабына сәйкес **Қазақстан Республикасының Үкіметі Қаулы етеді:**

- 2022 жылы офицерлер құрамының лауазымдарында әскери қызмет өткеру үшін әскери қызметке жарамды және одан өтпеген запастағы офицерлерді заңнамада белгіленген тәртіппен екі жыл мерзімге әскери қызметке шақыруға;

- 2022 жылғы 24 ақпандағы Қазақстан Республикасы Үкіметі №88 қаулысының негізінде ағымдағы жылы Қазақстан Республикасының Қарулы Күштеріне запастағы 150 офицер әскерге шақырылуға жатады.Кандидаттардың іріктелуі “Әскери қызмет және әскери қызметшілердің мәртебесі туралы” ҚР Заңының 32-бабының талаптарына сәйкес

жүргізіледі.

Сапалы кәсіби-психологиялық іріктеуді өткізу қажеттілігіне және оларды үстіртін зерделеуге жол бермеуге аса назар аударылады.

Шақыру бойынша әскери қызметке запастағы офицерлердің көп санын тарту үшін үміткерлер арасында заңнамаға сәйкес әскери қызметшілерді ақшалай үлеспен қамтамасыз ету реті туралы, тұрғын үйді жалдауға төлемдердің кепілдігі, медициналық қамтамасыз ету және басқа әлеуметтік кепілдер туралы үгіт насихаттау жұмыстары ұдайы негізінде жүргізіледі.

Мекен-жайы: Ақсу-Аюлы ауылы, Жанқұтты би көшесі, 12, телефон: 21-9-01.

Р.СЕРЕБАЕВ,
Шет ауданының Қорғаныс істері жөніндегі біріктірілген бөлім бастығы, подполковник.

Дәрігер кеңесі

ТЕМЕКІ ШЕГУДІҢ ЗИЯНЫ

Дүниежүзілік денсаулық сақтау ұйымы 1988 жылы 31 мамырды Дүниежүзілік темекісіз күн деп жариялады.Әлемдік қауымдастық алдына - ХХІ ғасырда темекі тарту мәселесін жоюға қол жеткізу міндеті қойылды.

Темекі шегу - қоғамда ең көп таралған және қауіпті әдет. Дүниежүзілік денсаулық сақтау ұйымының бағалауы бойынша әлем халқының үштен бірі темекі шегеді, бұл шамамен 1,1 миллиард адамды құрайды.Ғылыми зерттеулер темекі шегудің адам ағзасына келтіретін зиянды әсері есірткіге тең екенін дәлелдеді.Темекі өмірге қауіп төндіретін 25-ке жуық ауруды тудырады екен, ең алдымен әрине жүрек-қан тамырлары мен онкологиялық ауруларды атауға болады.Дүниежүзілік денсаулық сақтау ұйымының мәліметтеріне сәйкес, темекі шегу жанама түрде жыл сайын 10 миллионнан астам адамның өлім-жітімінің басты себептерінің бірі. Көршілес Ресейде ерлердің 2/3 және әйелдердің 1/3 бөлігі темекі шегеді екен. Қазақстанның ересек халқының шамамен үштен бірі немесе 29,2% темекі шегеді, тағы 9,3% бұрын темекі шеккен. Соңғы жылдары жүргізілген зерттеулер, Қазақстан халқының бір жылда темекі сатып алуға шығаратын шығындары шамамен 605 миллион АҚШ долларын құрап, мемлекеттің денсаулық сақтау саласының бюджетімен шамалас екенін көрсетті.

Дегенмен, экономикасы мен өркениеті дамыған елдерде халық осы бір жаман әдеттің зияндығын мойындап, темекі шегуді біртіндеп азайтып келе жатқаны мәлім. Мәселен, соңғы жылдары Америка Құрама Штаттарында 35 миллионнан астам адам, Ұлыбританияда 8 миллионнан астам адам темекі шегуден бас тартыпты.

Бүгінде әлемнің көптеген елдерінде қоғамдық орындарда темекі шегуге тыйым салатын заңдар күшіне енген. Себебі, темекі шегудің зияны жаһандық сипатқа ие болды. Темекі шегудің зияны шегушінің өзімен қатар маңайындағыларға бар екені дәлелденген факт болғанына қарамастан, темекі шегушілер бұл тәуелділіктен бас тартуға асықпай отыр.

Темекі шегу адам ағзасына қандай зиян келтіреді?

Темекінің түтіні адам өкпесіне терең еніп, құрамындағы зиянды химиялық заттар өкпе альвеоларынан әрі қарай қанмен адам ағзасының барлық органдарына тарайды. Демек, жүздеген улы заттар, олардың ішінде: никотин, бензапирен, формальдегид, мышьяк, цианид, гидроциан қышқылы, сондай-ақ, көмірқышқыл газы, көміртегі оксиді және радиоактивті заттар ми, жүрек, жүйке, тері, бауыр, қан айналымы және тамақ жүйесі және т.б. мүшелерге сіңіп, олардың қызметіне нұқсан келтіреді. Никотин - өзіне тәуелділікті тудыратын улы заттардың бірі. Ол деммен 7 секунд ішінде бүкіл денеге таралады, барлық мүшелерге, соның ішінде миға, ал жүктілік кезінде ұрықтың барлық мүшелеріне енеді. Бұл ми мен жұлынға, жалпы жүйке жүйесіне, жүрекке

және басқа да көптеген мүшелерге әсер ететін күшті стимулятор. Темекі шегудің денсаулыққа зиян екенін кез келген адам біледі, бірақ адам ағзасына темекі түтінімен никотинмен бірге жоғарыда аталған улы заттар кіргенде не болатыны туралы білетіндер аз. Ғылыми зерттеулер нәтижесінде, темекі түтінімен бір жыл ішінде өкпенің альвеолаларына шамамен 1 килограмм улы шайыр жиналатыны анықталған. Темекі түтініндегі никотинге есірткіге ұқсас тәуелділік дамиды. Тыныс алу жолдары созылмалы қабыну режимінде болып, бронх ауруларының, созылмалы жөтелдің, онкологияның дамуына жол ашады, ағзаның улы заттарға қорғаныс реакциясын тудырып әр түрлі аллергияның пайда болуына әкеліп соқтырады. Әрі қарай ағзаның имунитеті едәуір төмендеп, әр түрлі вирустар мен инфекцияға қорғанысы төмендейді.

Темекі түтіні жүрек-қан тамырлары жүйесіне теріс әсер етеді: никотин адреналиннің шамадан тыс шығарылуына әкеледі де қан қысымын көтереді. Нәтижесінде ағзаға оттегінің қажеттілігі артады. Темекі құрамындағы никотин қан ұйығыштарының пайда болуына, қан тығыздығының жоғарылауына ықпал етеді.Темекі шегетін адамның жүрек соғуы (пульсы) жиіленіп минутына 15-18 жетеді, өз кезегінде бұл жүректің жұмысына салмақ түсіреді. Жүрек-тамыр жүйесі ауруларының арасында жүректің ишемиялық ауруы, миокард инфарктісі, ми тамырларының және перифериялық тамырлардың атеросклерозын атауға болады. Оттегімен қанықпаған қан тарылған тамырлар арқылы баяу ағып өтуге мәжбүр болады. Оттегінің жетіспеушілігі нәтижесінде көптеген органдар зардап шегіп бас ауруы, шаршау, әлсіздік, бас айналу сияқты белгілер пайда болады.

Темекі шегу катерлі ісіктің пайда болуына себеп болады. Ғалымдар катерлі ісік ауруының шамамен сексен пайызы темекі шегумен байланысты екенін дәлелдеді.

Сондықтан дәрігерлердің темекі шегуді азаматтардың басты жауларының бірі деп санайтыны таңқаларлық емес.

Қазақстан Республикасында темекі шегуге қарсы күрес белсенді түрде жүргізілуде және еліміздегі темекі шегуге шектеу қою саясаты өз нәтижесін беруде. Жылдан жылға темекі шегушілердің саны, әсіресе ер адамдар арасында біртіндеп азаюда. Дегенмен, темекі шегудің зияндылығын халықтың көпшілігі мойындағанмен бұл әдеттің таралуы әлі де жоғары.

Мақаланы оқығаннан кейін сіз, егер темекі шегетін болсаңыз, темекі түтінінің қандай зиян әкелетінін білдініз. Темекі шегуді қойып салауатты өмір салтын ұстануға бет бұрыңыз, бұл сіздің таңдауыңыз.

Д.НҰРТАЕВ,
дәрігер,
Ақсу-Аюлы ауылы.

АКЦИЯ ӨТКІЗІЛУДЕ

«Қарағанды облысының табиғи ресурстар және табиғатты пайдалануды реттеу басқармасы» ММ-нің бұйрығымен азаматтарды жануарлар мен құстарға жауапкершілік пен үнемділікке шақыру мақсатында әлеуметтік тапсырыс аясында акция өткізілуде. «Жануарлар дүниесінің биоәртүрлілігін сақтау». Акция Қарағанды облысы бойынша 16.05.2022 жылдан бастап өткізілуде.

2022 жылдың 24 мамыры күні Шет ауданында аудан тұрғындарына кітапшалар, бояу кітабы, жануарлар суреттелген магниттер таратылатын акция өтуде. Акцияға 831 адам қамтылды.

Бұл жобаның басты мақсаты - жануарлар дүниесін қорғау мәселесіне халықтың назарын аудару.

Жобаның мақсаты: жануарлар дүниесін қорғау бойынша білім беру сапасын арттыру арқылы Қарағанды облысында жануарлар дүниесін сақтау және қорғау бойынша экологиялық мәдениетті қалыптастыру.

Мақсатты аудитория: Қарағанды облысының халқы.

ХАБАРЛАНДЫРУ

“Kyzyl Aray Copper” ЖШС ҚР Экологиялық кодексінің 58-2 бабының талаптарына сәйкес, 01.07.2022 жылы сағат 16.00-де Қарағанды облысы, Шет ауданы, Кеншоқы ауылдық округі, Нұра ауылы, С. Мұқанов көшесі, №14, өкімдік ғимараты, өкім кабинеті, мекен-жайында “Қарағанды облысының Шет ауданында өнімділігі жылына 30 мың тоннаға дейін катодты мыс болатын қайталама кендерді үймелеп шаймалау технологиясы бойынша Алматы-2 Тау-кен өңдеу кешенінің құрылысы” жұмыс жобасына ықтимал әсер ету туралы есеп бойынша ашық жиналыс түрінде қоғамдық тыңдау өтеді.

Карантиннің ұзартылуы жағдайында аталған қоғамдық тыңдаулар онлайн режимінде, ZOOM платформасы арқылы бейнеконференциялық байланыс түрінде өтеді.

Тыңдауларға қатысу үшін келесі сілтемеге өтуді сұраймыз:

https://us04web.zoom.us/j/3208449619?pwd=ipdWJlD8KqRl1TMVqFqKyTqONXbvg

Конференция идентификаторы: 320 844 9619.

Кіру паролі: 8dxVkJQ.
Жоба құжаттары: https://есорталкз және жергілікті атқарушы орган: Қарағанды облысының табиғи ресурстар және табиғатты пайдалануды реттеу басқармасы сайтында орналастырылған.

ОБЪЯВЛЕНИЕ

ТОО «Kyzyl Aray Copper» в соответствии с требованиями ст.58-2 Экологического Кодекса РК, сообщая, что 01.07.2022 года в 16 час 00 мин. по адресу: Карагандинская область, Шетский район, Кеншокинский сельский округ, село Нура, ул. С. Муканова, №14, здание акимата, кабинет акима, состоится общественные слушания в форме открытого собрания по отчету о возможных воздействиях к рабочему проекту: «Строительство горно-перерабатывающего комплекса Алмалы-2 по технологии кучного выщелачивания вторичных руд производительною до 30 тыс. тонн катодной меди в год в Шетском районе Карагандинской области».

В случае карантина данные общественные слушания пройдут в режиме онлайн, по средству видеоконференцсвязи на платформе ZOOM.

Для принятия участия просим перейти по следующей ссылке:

https://us04web.zoom.us/j/3208449619?pwd=ipdWJlD8KqRl1TMVqFqKyTqONXbvg

Идентификатор конференции: 320 844 9619.

Пароль: 8dxVkJQ.

Проектная документация размещена на https://есорталкз и сайте МИО: ГУ «Управление природных ресурсов и регулирования природопользования Карагандинской области».

Еске алу

Ақадыр кентінің тұрғыны болған, абзал ата, ардақты да қымбатты әкеміз **БЕКІШҰЛЫ Рахметжанның** фәниден бақиға озғанына 1 жыл толады. Әкеміз ортасына сыйлы бола білген жан еді. Асқар тауымыз, алып бәйтерегімізді еске алып, топырағы торқа, жаны жәннатта, рухы пейіште шалқысын деп артындағы ұрпақтары дұға бағыштайды.

Сыйлы едіңіз асыл еді затыңыз, Жүрегімізде мәңгі өшпейді атыңыз. Асыл әке, жұмақ болып жер бесігіңіз, Қамқор болып, желеп-жебеб жатыңыз.

Асыл әке мәпелеген ұрпағын, Жалғасын деп болашақтың нұр таңын. Аманатын әкеміздің ақтайды, Еске сақтап мәңгілікке ұрпағың.



Еске алушылар: Бекішевтер әулеті.

Әкеміздің жылдық асы 4-ші маусым күні сағат 12.00-ден бастап Ақадыр кентіндегі мешіт асханасында беріледі.

Асқа туған-туыс, құда-жекжат, көрші-қолаң, жора-жолдастарды, әкемізді танитын жандарды шақырамыз.

Еске алу

Ақсу-Аюлы ауылының тұрғыны болған, асқар таудай ардақты әкеміз, немерелерінің сүйікті атасы, қадірлі бауыр, ақылшы аға **АХМЕТБЕКОВ Орынбасар Көртәйұлының** фәниден бақиға озғанына 40 күн толады. Жатқан жері жарық, топырағы мамық болсын деп сағына еске алып, рухына құран бағыштаймыз.

Сен кеткелі жан дүнием жаншылды, Енді менің кім сүртеді жасымды. Бұл дүниеде қайдан сені табамын, «Құлыным» деп кім сипайды шашымды.



Сен кеткелі жүрем босқа сабылып, Анам кетіп, өзің боп ең бар үміт. Енді мені шығарып сап көзімен, Келерімді кім күтеді сарылып?

Сен кеткелі есеңгіреп аспаным, Теректер де көтермей тұр бастарын. Жан әкем-ау, жанға батып жоқтығың, Жігеріміз кетті сынып, сұлап мың. Жан әкешім, жаның болғай ерқашан, Ең ерекше, ақ төрінен жұмақтың.

Еске алушылар: балалары: ұлы - **Абзал, Нұржан-Айтолқын, Зәуре, Ардақ-Малика, Рүстем-Айжаника** және **Ахметбековтер әулеті.**

Әкеміздің 40 күндік асы 5-ші маусым күні Ақсу-Аюлы ауылындағы “Мерей” дәмханасында сағат 13.00-де беріледі.

Асқа құда-жекжат, ағайын-туыс, көрші қолаңдарды, әкемізді танитын жамағаттарды шақырамыз.

Еске алу

Аяулы да ардақты жан, асыл ана, адал жар, қайырымы мол қарындас, білімді әріптес, немерелерінің сүйікті әжесі, халқының алғысына бөленген азаматша **АЛИШЕВА Гүлсім Төлеуқызының** өмірден озғанына мамыр айының 29-ы күні 40 күн толады.

Аяулы жанды сағына еске алып, жатқан жері жайлы, топырағы торқа болсын деп, рухына дұға бағыштаймыз.

Ерте өттің өмірден, Аңғыс алдың еліңнен. Жаның болсын жәннатта, Орын ал,жұмақ төрінен.



Еске алушылар: Қордабаевтар әулеті.

Марқұмның 40 күндік асы Қайрақты ауылындағы “Әлішер” дәмханасында 29-шы мамыр күні, сағат 13.00-де беріледі.

Асқа құда-жекжат, ағайын-туыс, ел-жұрт, Гүлсімнің ұжымындағы әріптестерін, кластастарын, дос-құрбыларын, көрші қолаңдарын шақырамыз.

Көңіл айту

Аудан әкімдігі, аудандық мәслихат, аудандық ардагерлер кеңесі Қазақстан Жазушылар одағының басқарма мүшесі, жазушы **Өмір Кәріпке кызы**

Сәуленің

мезгілсіз қайтыс болуына байланысты қайғысына ортақтасып, көңіл айтады.

Көңіл айту

Аудандық “Шет шұғыласы” және “Шет өңірі” газеттерінің ұжымы Қазақстан Жазушылар одағының басқарма мүшесі, жазушы **Өмір Кәріпке кызы**

Сәуленің

мезгілсіз қайтыс болуына байланысты қайғысына ортақтасып, көңіл айтады.

26.02.2022 жылы қайтыс болған Котрашев Кенжекул Бохановичтің атына мұрагерлік іс ашылды. Осы іске қатысы бар мүдделі тұлғалар нотариус Г. Сұлтановаға хабарласуға болады. Мекен жайы: Шет ауданы, Ақадыр кенті, Абай даңғылы, 31 үй, телефон: 8701748 11 27.

20.05.2020 жылы қайтыс болған Құрманқан Қамарияның атына мұрагерлік іс ашылды. Осы іске қатысы бар мүдделі тұлғалар нотариус Б.Мұхановаға хабарласуға болады. Мекен жайы: Шет ауданы, Ақсу-Аюлы ауылы, Күлейменов көшесі, 17 үй, телефон : 87017511686.

Открыто наследственное дело после смерти Каспер Мария Алексеевна, умершего 28.04.2022 г.Заинтересованные лица могут обратиться к нотариусу Султанову Г.Е. по адресу: Карагандинская область, Шетский район, пос.Агадырь, проспект Абая, дом 31, телефон: 87017481127.